



Biografias dals commembers da la giuria federala da litteratura

President: Dominik Müller (1954) ha studegià istorgia e germanistica a las universitads da Berna e Vienna. El ha doctorà en litteratura da l'Universitad da Genevra, nua ch'el instruescha actualmain sco Maître d'enseignement et de recherche al Département de langue et de littérature allemandes. Sias publicaziuns tractan savens la litteratura tudestga e svizra dal 19avel e dal 20avel tschientaner. El ha publitgà bler davart Gottfried Keller.

Marie Caffari (1968) ha studegià litteratura franzosa, russa e tudestga a las universitads da Lausanne, Son Petersburg e Colonia. Ella ha scrit ses doctorat en litteratura franzosa a Londra ed ha ina furmaziun en scriver creativ. Dapi l'onn 2006 è ella directura da l'Institut litterar svizzer e dal bachelor en scriver litterar da la Scola auta professionala d'art da Berna.

Bernard Comment (1960) ha instrui a l'Universitad da Pisa e lavura sco scienzià a l'École des hautes études en sciences sociales. Parallelamain è el stà columnist da sport e scenarist da film per Alain Tanner. El publitgescha romans, essais e novellas ed el translatescha ovras litteraras, oravant tut cudeschs dad Antonio Tabucchi. El è directur da la collecziun Fiction & Cie da la chasa editura Seuil e cusseglier da programs tar Arte. En Frantscha è el Officier des Arts et des Lettres ed ha survegni divers premis sco il Prix Goncourt de la Nouvelle per « Tout passe » l'onn 2011.

Pietro De Marchi (1958) ha studegià a las universitads da Milaun e Turitg, nua ch'el instruescha actualmain sco professor titular da litteratura taliana. El è er professor associà a l'Universitad da Neuchâtel e dat curs a l'Universitad da Berna. Sco autur da numerusas retschertgas filologicas e litteraras è el s'interessa spezialmain als poets e prosatur da la Svizra taliana, surtut a Giorgio Orelli. Actualmain realisescha el in project da retschertga dal Fond naziunal svizzer (FNS). Dal 2006 al 2011 è el stà commember dal cussegl da fundaziun da Pro Helvetia. El è er sez poet ed ha survegni diversas distincziuns, per exempel il premi Schiller l'onn 2007.

Urs Engeler (1962) è vegni premià diversas giadas en Svizra ed en Germania per sias prestaziuns remartgables en il champ da l'ediziun (Baden-Württembergischer Landespreis für literarisch ambitionierte kleinere Verlage, Deutscher Hörbuchpreis, Karl-Zillmer-Preis der Hamburgischen Kulturstiftung für verdienstvolles verlegerisches Handeln). El ha publitgà il magazin da poesia *Zwischen den Zeilen* ed ha creà e manà las chasas edituras Urs Engeler Editor, Engeler Verlag e Roughbooks.

Marion Graf (1954) ha studegià litteratura russa, spagnola e franzosa a Basilea, Losanna e Voronej. Ella è translatura litterara dal russ al tudestg e fa critica litterara tar divers meds da massa. Ella collavurescha en differentas revistas e publicaziuns spezializadas. Ella è stada commembra da la cumissiun da programmaziun dals Dis da litteratura a Soloturn ed ella dirigia oz la Revue de Belles-Lettres. Per sias translaziuns ha ella survegni numerus premis.

Clà Riatsch (1956) ha studegià litteratura taliana, istorgia antica e filologia romana a l'Universitad da Berna. El ha collavurà en divers projects da retschertga dal Fond naziunal svizzer ed instrui a l'Universitad da Berna ed al Politecnicum da Turitg. Actualmain è el professor per la lingua e litteratura rumantscha a l'Universitad da Turitg e professor envidà a l'Universitad da Friburg.

Daniel Rothenbühler (1951) instruescha franzos e tudestg al gimnasi da Köniz e litteratura a la Scola auta professiunala d'art da Berna. El ha studegià a las universitads da Heidelberg e Berna. Ses doctorat ha'l scrit davart Gottfried Keller. El ha er publitgà davart divers auturs svizzers dal 19avel al 21avel tschientaner. El ha lavurà sco critic litterar per il Tages-Anzeiger, è stà commember da la cumissiun da programmaziun dals Dis da litteratura da Soloturn ed en comités da redacziun e cussegliaziun da diversas fundaziuns (Robert Walser, Studer/Ganz). El è coeditur da la collecziun «spoken script».

Barbara Villiger Heilig (1959) ha studegià linguas romanas a Turitg ed en Italia. Ses doctorat ha ella scrit en litteratura taliana ed ella ha lavurà per las chasas edituras Arche a Turitg e Mondadori a Milaun. Dapi l'onn 1991 è ella redactura dal feuilleton da la Neue Zürcher Zeitung e commembra da la squadra da critics litterars da l'emissiun Literaturclub sin SF1.